

# 庶物類纂

草屬  
自十五至十八



萬百廿四函


五十七內



Kodak Gray Scale  
A 1 2 3 4 5 6 M 8 9 10 11 12 13 14 15 B 17 18 19







小薊  
雞項草



虎薊  
大薊

庶物類纂草屬卷之十五目次

虎薊

一名老虎刺

畧說

虎薊

陶隱居云太薊似虎薊嘉祐補註本草

續斷李云虎薊與此大乖而虎薊亦自療血爾嘉祐補註

本草續  
斷條

大薊

一名馬薊

本草圖經

一名續斷

證類本草

一名野紅花

本草綱目

一名山牛蒡

昆蟲草木略

一名牛巴刺

溫州府志

一名爵宮

上海縣志

一名大蕪

證治準繩

一名馬茨芥

上同

大薊

大小薊陶隱居云太薊似虎薊小薊是貓薊葉並多刺相似田野甚多方藥不復用是賤之故大薊根甚療血亦有毒唐本注云大小薊葉欲相似功力有殊並無毒亦非虎貓薊也大薊生山谷根療癰腫小薊生平澤俱能破血小薊不能消腫嘉祐補註本草

小薊根本經不著所出州土今處處有之俗名青刺薊苗高尺餘葉多刺心中出花頭如紅藍花而青紫色北人呼爲千針草當二月苗初生二三寸時并根

作茹食之甚美。四月採苗，九月採根，並陰乾入藥。亦生擣根絞汁飲以止吐血、衄血、下血，皆驗。大薊根苗與此相似，但肥大耳，而功力有殊。破血之外，亦療癰腫。小薊專主血疾。本草圖經

謹按范注方云：續斷即是馬薊與小薊葉相似，但大於小薊耳。葉似蕒翁菜，而小厚，兩邊有刺，刺入其花紫色。與今越州生者相類。同上

大小薊皆相似，花如鬚。但大薊高二三四尺，葉皺；小薊高一尺許，葉不皺。以此爲異。小薊山野人取爲蔬，甚

適用，雖有微芒，亦不能害人。宋寇宗奭本草衍義  
外臺祕要治淋，取生續斷絞取汁服之。馬薊根是。唐宋慎微證類本草

大薊生山谷中。今鄭州山野間亦有之。苗高二三四尺，莖五稜，葉似大花苦苣菜葉，莖葉俱多刺。其葉多皺，葉中心開淡紫花，味苦性平，無毒。根有毒，救飢採嫩苗葉，焯熟水淘去苦味，油鹽調食。明周憲王救荒本草  
繫狗毒，音計薊也。俗呼雞項，似芥而多刺。宋鄭夾漈爾雅註  
謹按爾雅繫狗毒，郭註樊光云：俗語苦如繫邢疏。

繫一名狗毒樊光云俗語苦如繫樊光者京兆人後漢中散大夫註爾雅六卷故郭氏取以爲說據此乃無薊之說不知鄭氏何所據也

薊曰虎薊曰刺薊曰山牛蒡爾雅繫狗毒繫卽薊也又有一種小薊曰貓薊曰青刺薊北方曰千針草以其莖葉多刺故也華如紅藍華而青紫色多生於燕地故曰薊門宋鄭夾祭昆蟲草木略

予使虜至古契丹界大薊芨如車葢中國無此大者其地名薊恐其因此也如揚州宜陽荊州宜荆之類

荆或爲楚楚亦荆木之別名也

皇明文徵

薊草名復古編云芙蓉也字林薦摯也似芹說文無薊字止有薊卽薊也韻會廣韻亦無之按本草有小薊有大薊陶隱居云小薊是貓薊大薊似虎薊葉多刺俗名青刺薊又曰千針草又曰老虎刺地名薊門卽今薊州陳藏器云薊門多薊故以名地葉皺莖芒有似罽布故字从之作薊隸作薊明顧起元說略

大蕪根生麥中如蓬蒿花或云卽薊根也

明王守堂證治準繩

治婦人赤白帶下不問年月深遠日漸羸瘦起止不

得用刺薊根，不以多少，曝乾秤每壹斤以童子小便五升浸一伏時取出曬乾，右爲細末，每服二錢，食前暖酒調下。同上

止崩雜方一方用大薊，俗呼爲馬茨芥，連根去土勿洗，以磁石器擣爛，仍入冷水半盞，取汁服之，立止。同上

大小薊葉並多刺相似，但大薊高二三四尺，葉皺，小薊高一尺許，葉不皺，爲異。小薊初生時，山野人多取爲蔬。八閩通志

大小薊苗高尺餘，葉多刺，心中出花，二月生。寧波府志

大小蘇類紅藍而多刺，小者名小蘇。瓊州府志

謹按蘇當作薊。

大小薊卽牛巴刺根。溫州府志

大薊俗名野紅花。重修鎮江府志

大薊卽爵宮。上海縣志

太薊小薊俗呼爲茨芥。清劉若金本草述

小薊

一名貓薊

嘉祐神註本草

一名青刺薊

本草圖經

一名千

針草

同上

一名野紅花

丹溪心法附錄

一名刺兒菜

醫上

本草

一名茨芥

本草述

俗名埋油法已

小薊

小薊根本草不著所出州土今處處有之俗名青刺  
薊苗高尺餘葉多刺心中出花頭如紅藍花而青紫色北人呼爲千針草當二月苗初生一二寸時并根作茹食之甚美四月採苗九月採根竝陰乾入藥亦生擣根絞汁飲以止吐血効血下血皆驗本草圖經

大小薊皆相似花如髻但大薊高三四尺葉皺小薊高一尺許葉不皺以此爲異小薊山野人取爲蔬甚適用雖有微芒亦不能害人宋寇宗奭本草衍義

刺薊菜本草名小薊俗名青刺薊北人呼爲千針草出冀州生平澤中今處處有之苗高尺餘葉似苦苣葉莖葉俱有刺而葉不皺葉中心出花頭如紅藍花而青紫色性涼無毒一云味甘性溫救飢採嫩苗葉煤熟水浸淘淨油鹽調食甚美除風熱明周憲王救荒本草薊猶鬚也其花如鬚也曰虎曰貓因其苗狀綈綈也曰馬者大也牛蒡因其根似牛蒡根也雞項因其莖似雞之項也千針紅花皆其花狀也鄭樵通志謂爾雅之繫狗毒者卽此未知是否也

明李東壁本草綱目

刺兒菜一名大薊一名小薊一名青刺薊恭曰大小薊雖相似功力有殊太薊生山谷根療癰腫小薊生平澤不能消腫而俱能破血小薊處處有之俗名青刺薊二月生苗二三寸時併根作菜茹食甚美四月高尺餘多刺心中出花頭如紅藍花而青紫色四月采苗九月采根並陰乾用大薊苗根花與此相似但肥大高三四尺葉皺小薊葉不皺以此爲異作菜雖有微芒不害人

趙南星上醫本草明方廣丹溪心法附餘

野紅花卽小薊草

大小薊葉並多刺相似但大薊高三四尺葉皺小薊  
高一尺許葉不皺爲異小薊初生時山野人多取爲

蔬八閩通志

青薊菜其葉有刺酢可食

河間府志

雞項草

一名千鍼草

本草經

雞項草

雞項草生福州葉如紅花葉上有刺青色亦名千鍼草根似小蘿蔔枝條直上三四月苗上生紫花八月葉凋十月採根洗焙乾碾羅爲散服治下血本草圖經雞項草葉如紅花葉上有刺青色亦名千鍼草根似小蘿蔔枝條直上三四月苗上生紫花八月葉凋其根可治下血八閩通志

雞項草圖經曰雞項草生福州如紅花葉上有刺青色亦名千鍼草根似小蘿蔔枝條直上三四月苗上

生紫花<sup>ス</sup>八月葉凋<sup>ラ</sup>十月採根<sup>ラ</sup>洗<sup>セ</sup>焙<sup>シ</sup>乾<sup>シ</sup>碾<sup>ロ</sup>羅<sup>シ</sup>爲<sup>シ</sup>散服<sup>ス</sup>治<sup>ス</sup>

下血<sup>ヲ</sup>  
一書

閩

庶物類纂草屬卷之十六目次

飛廉

苦参

飛廉

一名漏蘆

名醫別錄

一名天齊

同上

一名伏豬

同上

名飛輕

同上

一名伏兔

同上

一名飛雉

同上

俗名和尼埋油法已

飛廉

飛廉陶隱居云處處有極似苦芙烏老切惟葉下附莖輕有皮起似箭羽葉又多刻缺花紫色俗方殆無用而道家服其枝莖可得長生又入神枕方今既別有漏蘆則非此別名爾唐本注云此有兩種一是陶生平澤中者其生山崗上者葉頗相似而無疎缺且多毛莖亦無羽根直下更無傍枝生則肉白皮黑中有黑脈日乾則黑如玄參用葉莖及根療疳蝕殺蟲與平澤者俱有驗今俗以馬薊以苦芙爲漏蘆並非

是也臣禹錫等謹按蜀本圖經云葉似苦芙蓉莖似軟羽紫花子毛白今所在平澤皆有五月六月採日乾

嘉祐神註本草

又此下有飛廉條云生河內川澤一名漏蘆與苦芙蓉老相類惟葉下附莖有皮起似箭羽又多刻缺花紫色生平澤又有一種生山岡上葉頗相似而無疏缺且多毛莖亦無羽根直下更傍枝生則肉白皮黑中有黑脈日乾則黑如玄參經云七月八月採花陰乾用蘇恭云用莖葉及療瘡蝕殺蟲有驗據此所說

烏切  
與秦州海州所謂漏蘆者花葉及根頗相近然彼人但謂之漏蘆今醫家罕有用飛廉者既未的識故不復分別但附其說于下漏蘆○本草圖經

飛廉亦蒿類也蘇頌圖經疑海州所圖之漏蘆是飛廉沈存中筆談亦言飛廉根如半蕎而綿頭古方漏蘆散下云用有白茸者則是有白茸者乃飛廉無疑矣今考二物氣味功用俱不相遠似可通用豈或一類有數種而古今名稱各處不同乎明李東壁本草綱目

今方家所用漏蘆乃飛廉也飛廉一名漏蘆苗似箬

葉根如牛蒡綿頭者是也採時用根今閩中所用漏蘆莖如油麻高六七寸秋深枯黑如漆採時用苗本草自有條正謂之漏蘆

宋沈存中夢溪筆談

飛廉曰漏蘆曰天齊曰伏豬曰飛輕曰伏兔曰飛雉  
曰木禾似苦芙而葉下附莖有皮起似翦羽刻缺

宋鄭玄註

夾漈昆蟲草木略

苦芙

一名鈎

爾雅

一名芙

同上

一名雞頭

鄭玄註

一名

苦板

本草綱目

俗名眉檢索密

苦芙

鉤芙爾雅

大如拇指中空莖頭有臺似薊初生可食晉郭璞爾雅註  
薊類也一名鉤一名芙郭云大如拇指中空莖頭有臺似薊初生可食說文云味苦江南食以下氣是也

宋邢昺爾雅疏

苦芙也今謂之雞頭宋鄭夾漈爾雅註

芙薺其實荅爾雅○芙音

芙與薺莖頭皆有蕩臺名荅荅即其實也晉郭璞爾雅註

鉤芙抱薊之類其實名荅郭云芙與薊莖頭皆有蕎臺名荅荅卽其實也

宋刑昺爾雅疏

芙蓉天荅音桴此謂苦芙與苦薊莖頭結實皆有蕎臺其中草莖

宋鄭夾漈爾雅註

苦芙  
音襍陶隱居云處處有之愴士莖人取莖生食之

五月五日採暴乾燒作灰以療金瘡甚驗唐本注云

今人以爲漏蘆非也臣禹錫等謹按蜀本圖經云子若貓薊莖圓無刺五月採苗堪生噉所在下溼地有

之

嘉祐補注本草

爾雅鉤芙卽此苦芙也芙大如拇指中空莖頭有臺似薊初生可食許慎說文言江南人食之下氣今浙東人清明節采其嫩苗食之云一年不生瘡疥亦擣汁和米爲食其色清久畱不敗造化指南云苦芙大者名苦蕷葉如地黃味苦初生有白毛入夏抽莖有毛開白花甚繁結細實其無花實者名地膽草汁苦如膽也處處溼地有之入爐火家用

明李東壁本草綱目

庶物類纂草屬卷之十七目次

蓍草

合歡草

著

俗名革莫己索烏山城  
又名那哥己立忽索  
同上

又名革賴搖貌己伊勢  
又名也埋忽索  
同上

又名白哥魯貌備前  
又名索施貌忽索  
同上

又名地禿迷忽索  
又名哥索莫施地  
同上

蓍

余至江南觀其行事問其長老云龜千歲乃遊蓮葉之上徐廣曰蓮一作領聲蓍百莖共一根又其所生獸無虎狼草無毒蠶江傍家人常畜龜飲食之以爲能導引致氣有益於助衰養老豈不信哉史記龜策傳褚先生曰聞古五帝三王發動舉事必先決蓍龜索隱曰此傳卽大卜下有伏靈上有兔緣上有擣蓍索隱曰擣音逐雷反下有神龜所謂伏靈者在兔緣之下狀似飛鳥之形新雨已天清靜無風以夜

消兔絲去之卽以籜燭此地徐廣曰籜籠也蓋然火燭之火滅卽記其處以新布四丈環置之明卽掘取之入四尺至七尺得矣過七尺不可得伏靈者千歲松根也食之不死聞蓍生滿百莖者其下必有神龜守之其上常有青雲覆之傳曰天下和平王道得而蓍莖長丈其叢生滿百莖方今世取蓍者不能中古法度不能得下滿百莖長丈者取八十莖已上蓍長八尺卽難得也人民好用卦者取下滿六十莖已上長滿六尺者即可用矣同上

謹按蓍草叢生歷數年則可下滿百莖至丈長古今說者曰蓍一千歲而三百莖又曰蓍百年則百莖又曰七百歲生十莖皆無稽之譚甚屬誕妄

天子下至士皆有蓍龜者重事決疑示不自專尚書曰女則有大疑謀及卿士謀及庶人謀及卜筮定天下之吉凶成天下之亹亹者莫善於蓍龜禮三正記曰天子龜長一尺三寸諸侯一尺太夫八寸士六寸龜陰故數偶也天子蓍長九尺諸侯七尺太夫五尺士三尺蓍陽故數奇也所以先謀及卿士何先盡入

事急而不能得思而不能知然後問於蓍龜聖人獨見先睹必問蓍龜何示不自專也或曰清微無端緒非聖人所及聖人亦疑之尚書曰女則有疑謂武王也乾草枯骨衆多非一獨以灼龜何此天地之間壽考之物故問之也龜之爲言久也蓍之爲言耆也久長意也龜曰卜蓍曰筮何卜赴也爆見兆筮也者信也見其卦也

漢班孟堅白虎通德論

蓍一千歲而三百莖其本以老故知吉凶蓍末大於本爲上吉莖必沐浴齋潔食香每月望浴蓍必五浴

之浴龜亦然明夷曰昔夏后莖乘龍而登于天而牧占四華陶陶曰吉昔夏啓莖從九鼎啓果從之

晉張華博

物志

蓍末大於本爲上吉次蒿次荆皆如是龜蓍皆月望浴之上同

蓍如蒿華如菊生上蘚白龜祠傍一叢之幹二三十或四五十高五六尺褚先生云蓍滿百莖者其下有神龜守之其上有青雲以覆之傳云天下和平王道得蓍莖長丈叢滿百

宋鄭夾漈昆蟲草木略

易曰天生神物聖人則之龜策傳曰龜千歲乃遊蓮葉之上蓍百莖共一根其所生獸無虎狼草無毒蠶又曰上有擣蓍下有神龜蓍生滿百莖者其下必有神龜守之其上有青雲覆之劉向曰龜千歲而靈蓍百年而神然則蓍龜皆以久而後可用也龜後爲動物而屬乎陽故知象蓍植物而屬乎陰故知數屬乎陽者其長或尺二寸或八寸成之以陰也屬乎陰者其長或九尺或七尺成之以陽也大戴三正記曰天子蓍長九尺諸侯七尺大夫五尺士三尺考之儀禮

特牲饋食筮者坐筮少牢饋食筮者立筮鄭氏云卿大夫蓍五尺立筮士之蓍短坐筮由便也推此則天子諸侯之蓍其長如大戴之說信矣周禮上春豐龜相筮月令孟冬則豐龜策周秦之法異也鄭氏曰蓍龜歲易然龜策傳曰夏商欲ト乃取蓍龜已則棄之周室之卜官常寶藏蓍龜則所謂相筮者擇其不可用者而已非歲易也

宋陳祥道禮書

蓍蒿屬也从蓍草之壽者也六十日蓍卦之別六十有四蓍數窮於此且蓍所指非極數也博物志曰以

老故知吉凶。生千歲三百莖同本。其上常有黃雲覆之。易以爲數。天子蓍長九尺。諸侯七尺。大夫五尺。士三尺。亦有美惡如龜焉。故周官筮人上春相筮也。宋雅佃埠。陸

聖人幽贊於神明而生蓍。蓍草也。初不待聖人而生。蓋通天之道。窮物之理。備物致用。以爲天下利。故能擇物之神者用之。夏商欲卜者。乃取蓍龜。已則棄去之。以爲龜藏。則不靈。蓍久則不神。至周室之卜。官常寶藏蓍龜。天子蓍長九尺。諸侯七尺。大夫五尺。士三尺。

尺蓍。陽故數奇。其藏蓍之器曰韁。韁有二。以皮爲之。其一從上而下韁之。其一從下而上韁之。少牢禮。史西面於門。西抽下韁。左執筮。右兼執革。以擊筮。將問吉凶。故擊之以動其神。蓍雖寶藏。猶有時以易。故筮人上春相筮。先儒以爲相謂更選擇之。龜筮歲易者歟。蓋龜入以春攻龜。筮人春相之。故知以新易故。古者國之大事。先筮而後下。然魯生季友。晉戰城濮。皆先卜而後筮者。蓋大史公所謂三代蓍龜大小先後各有所尚。要其歸等爾。是也。春秋傳稱筮短龜長。

不如從長莫能得其說案龜策傳江南長老云龜千歲乃遊蓮葉之上蓍百莖共一根其所生獸無虎狼草無毒蠻說者曰蓍百年則百莖矣蓋龜歷年深故知來亦長蓍歷年近故知來亦短亦龜象筮數物生而後有象象而後有滋滋而後有數則龜在先筮在後短長之驗也龜筮皆靈物用既相須故生亦相附龜策傳又曰上有叢蓍下有神龜蓍生滿百莖者其下必有神龜守之其上常有青雲覆之固靈氣相召亦天地鬼神所保守然則其龜節周禮十龜中所謂

筮龜者也龜爲卜蓍爲筮龜而謂之筮以其生於蓍叢也蓍之爲字从耆耆者六十歲也王充論衡孔子曰蓍之爲言耆也老人歷年多而更事久似能前知然何獨六十龜策傳曰天下和平王道得而蓍莖長大其叢生滿百莖方今世取蓍者不能中古法度不能得滿百莖長大者取八十莖已上長八尺卽難得也人民好用卦者取六十莖以上長滿六尺者卽可用矣然則自其可用者而言之廣爲六十莖從爲六十寸故應耆耳論衡曰蓍七十歲生一莖七百歲三十莖漢藝文志有蓍書二十八

著實服之亦聰慧先知宋羅願

爾雅翼

著唐本注云此草所在有之以其莖爲筆陶誤用楮實爲之本經云味苦楮實味甘其楮實移在木部也

嘉祐補

註本草

著實生少室山谷今蔡州上蔡縣白龜祠傍其生如蒿作叢高五六尺一本一二十莖至多者三五十莖生便條直所以異於衆蒿也秋後有花出於枝端紅紫色形如菊八月九月採其實日乾入藥今醫家亦稀用其莖爲筆以問鬼神知吉凶故聖人贊之謂之

神物史記龜策傳曰龜千歲乃遊於蓮葉之上著百莖共一根又其所生獸無虎狼蟲無毒螫徐廣注曰劉向云龜千歲而靈蓍百年而一本生百莖又褚先生云蓍生滿百莖者其下必有神龜守之其上常有青雲覆之傳曰天下和平王道得而蓍莖長丈其叢生滿百莖方今世取蓍者不能中古法度不能得滿百莖丈長者取八十莖已上蓍長八尺卽難得也人民好用卦者取滿六十莖已上長滿六尺者即可用矣今蔡州所上者皆不言如此然則此類其神物乎

故不常有也。本草圖經

蓍按班固白虎通載孔子云蓍之爲言蓍也老人歷年多更事久事能盡知也陸佃埤雅云草之多壽者故字從者博物志言蓍千歲而三百莖其本已老故

知吉凶明李東壁

本草綱目

蓍乃蒿屬神草也故易曰蓍之德圓而神天子蓍長九尺諸侯七尺大夫五尺士三尺張華博物志言以下末大於本者爲上次蒿次荆皆以月望浴之然則無蓍擲卦亦可以荆蒿代之矣同上

蓍神草也能知吉凶上蔡白龜祠傍生作叢高五六尺多者五十莖生便條直秋後花生枝端紅紫如菊花結實如艾實蓍滿百莖其下神龜守之其上常有青雲覆之易曰聖人幽贊於神明而生蓍又曰蓍之德圓而神天子蓍長九尺諸侯七尺大夫五尺士三尺傳曰天下和平王道得而蓍莖長丈其叢生滿百今八十莖以上者已難得但得滿六十莖長六尺者即可用以下末大於本者爲次蒿次荆皆以月望浴之然則擲卦無蓍亦可以荆蒿代上明王蓋臣二

易曰聖人幽贊于神明而生蓍史記曰蓍千歲則一本百莖其下必有神龜守之白虎通曰蓍之言蓍也陽之老也故曰下有神龜上有稠蓍其形長丈其叢生滿百莖通志蓍如蒿華如菊生上蔡白龜祠傍叢之幹二三十或四五十高五六尺余在南京宗人府董公處見盆中所栽蓍問之云得自陳州伏羲陵上其葉類細蓬蒿其莖則與家藏枯蓍無別余爲乞一二本曰汝車載不便待我東歸日當分其半與之蓋後公作府雲南沒于道今竟不知落于何所心甚

惜之夫蓍迺草之最壽者六十曰蓍故字从草从蓍張茂先曰以老故知士馬凶生千歲三百莖同一本其上常有黃雲覆之王充曰蓍生七十歲生一莖七百歲生十莖神靈之物故生遲歷歲久劉向云龜千年而靈蓍百年而一本生一百莖蓍策傳曰天下和平王道得而蓍莖長丈餘其叢生滿百莖可以當大衍之數者三下有神龜守之上有雲氣覆之學齊沾畢又云一叢必四十九莖以應大衍之數恐未必然也

明田藝衡

雷青日札

物類纂

卷十七

草屬 蘚

十

著神草也爲百草之長生少室山谷今蔡州上蔡縣白龜祠旁有之其形似蒿作叢高五六尺一本有二十餘莖至多者四五十莖生梗條最直獨異於蒿秋後有花出於枝端色紅紫如菊結實如艾子一云著至百年則百莖共生一根其所生之處獸無虎狼草無毒蠶上有青雲覆之下有神龜守之易取五十莖爲卜筮之用揲則其應如响產於文王孔子墓上者更靈功用以下未大於本者爲佳天子著長九尺諸侯七尺大夫五尺士三尺如無著草亦可以荆蒿代之

清陳淏子  
祕傳花鏡

合歡草

一名神草拾遺記 一名鐵掃帚救荒本草

俗名迷禿己山城州

合歡草

合歡草狀如蓍，一株百莖，晝則衆條扶疎，夜則合爲一莖，萬不遺。謂之神草。晉王子年拾遺記

神草，魏明時苑中合歡草狀如蓍，一株百莖，晝則衆條扶疎，夜乃合爲一莖，謂之神草。唐段成式酉陽雜俎

魏明帝時苑囿及民家花樹皆生連理，有合歡草狀如蓍，一株百莖，晝則衆條扶疎，夜則合爲一莖，萬不遺。謂之神草。宋朝東京第宅山池間無不種之，然則草亦有合歡，不獨樹也。明王憲臣二如亭羣芳譜

鐵掃帚生荒野中就地叢生一本三十莖苗高三  
四尺葉似首蕊葉而細長又似細葉胡枝子葉亦短  
小開小白花其葉味苦救饑採嫩苗葉燂熟換水浸  
去苦味油鹽調食明周憲王救荒本草

庶物類纂草屬卷之十八目次

艾

薑蒿

牛尾蒿

齊頭蒿

蓬蒿

艾

一名冰臺雅爾

一名艾蒿郭璞爾

一名醫草雅註

醫名

俗名搖貌己別錄

一名灸草雅辨

俗名搖貌己

艾

爾雅

艾、冰臺

晉郭璞

今、艾、蒿

爾雅註

艾、一名冰臺

卽今艾蒿也

詩、王風云、彼采艾兮是也

宋邢昺爾雅疏

謹按鄭夾漈註同

艾葉舊不著所出州土但云生田野今處處有之以複道者爲佳云此種灸百病尤勝初春布地生苗莖類蒿而葉背白以苗短者爲佳三月三日五月五日

採葉暴乾經陳久方可用俗間亦生擣葉取汁飲止心腹惡氣本草圖經

艾葉本草不著土產但云生田野采時以湯陰複道者爲佳四明者圖形近代惟湯陰者謂之北艾四明者謂之海艾自成化以來則以蘄州者爲勝用充方物天下重之謂之蘄艾相傳他處艾灸酒壘不能透蘄艾一灸則直透徹爲異也此草多生山原二月宿根生苗成叢其莖直生白色高四五尺其葉四布狀如蒿分爲五尖極上復有小尖面青背白有草而柔

厚七八月葉間出穗如車前穗細花結實累累盈枝中有細子霜後始枯皆以五月五日連莖刈取暴乾收葉先君月池子諱言聞嘗著蘄艾傳一卷有讚云產於山陽采以端午治病灸疾功非小補又宗懷荊楚歲時記云五月五日雞未鳴時采艾似人形者攬而取之收以灸病甚驗是日采艾爲人懸于戶上可禳毒氣其莖乾之染麻油引火點灸炷滋潤灸瘡至愈不疼亦可代蓍策及作燭心本草綱目

積艾草三年後燒津液下流成鉛錫已試有驗晉張華博

削木令圓舉以向日以艾於後承其影則得火同上  
王山韓光方韓光治丁腫人也正觀初衢州徐使君  
訪得此方右用艾蒿一擔燒作灰於竹筒中淋取汁  
以一二合和石灰如麪漿以鍼刺瘡中至痛卽點之  
點三遍其根自拔亦大神驗正觀中用治三十餘人  
得瘥故錄之唐孫真人備急千金要方

端午日未出艾中以意求似人者輒癩之以灸殊有  
效幼時見一書中云爾忘其爲何書也艾未有真似

入者於明暗間苟以意命之而已萬法皆妄無一真  
者在何疑焉○東坡文集

謹按東坡志林艾中作於艾中求似人者作求似  
其人者在何疑焉作復何疑耶

庶草治病各有所宜惟艾可用灸百疾故名醫草歲  
或多病則艾生之亦天預備以救人爾荆楚之俗五  
月五日未雞鳴采之或曰見似人者攬而取之用灸  
有驗宋羅願

醫用艾一灼謂之一壯者以壯人爲法其言若干壯  
爾雅翼

宋沈存中  
夢溪筆談

壯人當依此數老幼羸弱量力減之  
蕭與艾本皆香草離騷則薄之曰尸服艾以盈要兮  
謂幽蘭其不可佩然要之庶人所服比之蘭蕙則有  
間矣宋謝翹楚辭芳草譜

藥有至賤易得人所常用而難於修製者如香附子  
菟絲子艾葉之類醫家昧其節度或終日疲勞而不  
能成本草云凡菟絲子煖湯淘汰去沙土濾乾煖酒  
漬經一宿濾出暴微白擣之不盡者更以酒漬經三  
五日乃出更曬微乾擣之須臾悉盡極易碎蓋以其

顆細難施工其說亦殊勞費然自有捷法但撚紙條  
數枚寘其間則馴帖成粉香附子洗去皮毛炒之焦  
熟然後舉投水鉢內候浸漬透徹濾出暴日中微燥  
乃入擣臼悉應手糜碎艾葉柔軟不可著力若入白  
茯苓三五片同研則卽時可作細末宋洪邁  
四筆

艾可攻百病今以蘄州者爲勝蘄葉厚而綿多本地  
所有者葉薄而綿少明慎懋官華夷花木考

凡灸艾以圓珠承日得火者爲上鑽槐取火次之而  
熬藥膏者又以桑火爲上取其剛烈能助藥力蓋各

有所宜也

明謝肇淛五雜組

艾有大葉者有小葉者

八閩通志

艾葉厚草多其細葉者迺蒿艾也

泉州府志

艾有草艾者艾

雷州府志

艾爾雅作冰臺博物削冰向日取艾承之得火葉如

蒿有細子五月刈取曝乾主灸百病

肇慶府志

謹按物下當有志字

艾雅翼曰庶草治病各有所宜惟艾可灸百疾故名醫草詩彼采艾兮一日不見如三歲兮爾雅謂之冰

臺海澄

謹按雅翼汀州府志作爾雅翼

艾炷灸所用

香山縣志

仙製本草曰按艾葉本經及諸註釋悉云生於田野類蒿複道者爲佳未嘗以州土拘也世俗反指此爲野艾徧求蘄州所產獨莖圓葉背白有芒者稱爲艾之精英今以形狀考之九牛草者即此也人都不識益以爲艾經註明云氣雖艾香實非艾種醫用作炷以灸風溼痺疼瘻熱積聚嘗獲效者亦因辛竈可以

通利關竅而已

清劉若金本草述

艾一名冰臺一名醫草隨在有之以蘄州者爲佳二月宿根生苗成叢其莖直生白色高四五尺其葉四布狀如蒿分五尖極上復有小尖面青背白有茸而柔厚七八月葉間出穗如車前穗細花結實盈枝中  
有細子霜後始枯人多於五月五日連莖刈取暴乾收葉陳久灸疾或揉作印色胎清陳淏子祕傳花鏡

艾葉味苦氣溫陰中之陽無毒世人俱以蘄艾爲佳殊不知野艾佳于蘄艾蓋蘄艾乃九牛草也似艾而

非艾雖香過于艾而功用殊不若野艾入脾腎肺三經祛寒氣而逐溼痹安疼痛而煖關元胎漏可止胎動可寧月經可調子宮可孕且灸經穴可愈百病無如世人舍近而求遠舍賤而求貴爲可嘆耳

清陳士鑑本草

新編

或問艾葉取野而不取蘄前人已論之但未言野艾之何以佳予蘄艾耳夫蘄艾佈種而生者野艾則天然自長于野者也得天地至陽之氣故能逐鬼而辟邪祛寒而散溼其功實勝于蘄艾奈何舍此而取彼

哉同上

七年之病求三年之艾大抵卽野艾非有取乎蘄也但蘄實妙余弱冠兩肩膊患風痛偶得蘄艾和綿裹之不數月卽瘥同里傅汝偉精灸宋舍微蘄艾取向裏者傾與之日灸親友十數輩無不愈者今言蘄艾雖香而功劣恐未有所試也總之真蘄艾難覓不可用野艾之便孝金上同上

蕎蒿

一名購

爾雅

一名蕎藶

同上

俗名孺埋搖貌已加貨

薑蒿

購、薑、薑爾雅○購古豆

切薑力朱切

薑、薑蒿也。生下田初出可啖。江東用羹魚。晉郭璞註舍人曰：購一名薑。郭云：薑、薑蒿也。生下田初出可啖。江東用羹魚。詩周南漢廣云：翹翹錯薪。言刈其薑。陸璣疏云：其葉似艾。白色長數寸，高丈餘。好生水邊及澤中。正月根芽生，莖正白，生食之香而脆美。其葉又可蒸爲茹。是也。宋邢昺爾雅疏

薑蒿也。宋鄭夾漈爾雅註

蔓蕷蒿也。其葉似艾。白色。長數寸。高丈餘。好生水邊。及澤中。正月根芽生。莖正白。生食之。香而脆美。其葉又可蒸爲茹。唐陸璣毛詩草本鳥獸蟲魚疏

蕷蔓蒿也。說文曰。蕷可以烹魚。其葉似艾。白色。長數寸。高丈餘。好生水邊及澤中。正月根芽生。莖正白。生食之。香而脆美。又可蒸爲茹。江東用羹魚。宋羅頤今古以爲珍菜。大招云。吳酸蒿蕷不沾薄。只王逸曰。蒿繁草也。蕷香草也。蒿一作芼。芼菜也。言吳人善爲羹。其菜若蕷味無沾薄。言其調也。又曰。沾多汁也。

薄無味也。言吳人。工調鹹酸。燶蒿蕷。以爲羹。其味不釀。不薄。適其美也。蓋蕷多生於吳郭氏亦云。江東用羹魚。則吳人尤能調和之。如後世千里。尊羹未下鹽豉。之比。淮南子曰。煎熬焚炙。調齊和之。適以窮荆吳甘酸之變。此遁於火也。此之謂也。同上

蕷。蕷蒿也。其葉似艾。白色。長數寸。高丈餘。好生水邊。可啖。江東采以羹魚。宋陸佃碑雅

蕷。蕷蒿也。其葉似艾。白色。長數寸。高丈餘。好生水邊。大招云。吳酸蒿蕷不沾薄。只王逸曰。蒿繁草也。蕷香

草也。宋謝翹楚辭芳草譜

商薑舊客江西林谷梅山房書院春時多食此菜嫩莖去葉湯焯用油鹽苦酒沃之爲茹或加以肉香脆良可愛後歸京春輒思之偶與李竹埜鄰以其江西人因問之李云廣雅名商薑生下田江西以羹魚陸疏云葉似艾白色可蒸爲茹卽漢廣言刈其薑之薑矣山谷詩云薑蒿數筋玉簪橫乃證以詩註果然李乃怡軒之子嘗從江西西山問宏詞法多識草木宜矣宋林洪山家清供

薑蒿卽蒿之始生者香美可茹熟而淹之烘以火可久出德化官湖九江府志

薑蒿葉如艾而莖圓叢生水澤濱詩召南云于以采蘋于沼于沚毛傳曰白蒿也郭璞本草俱云白蒿陸璣云凡艾白色者爲皤蒿河間府志

薑蒿葉如艾而莖圓叢生水濱性涼春時擷苗食之

松江府志

薑蒿生水邊吳縣志

薑蒿叢生澤濱葉似艾春時摘苗鹽漬曝乾味香陰江府志

萬物類纂

卷十八

草屬

薑蒿

四

牛尾蒿

一名蕭爾雅 一名荻同上○ 謹按鄭夾  
蒿鳥 淩註作荻音秋  
毛詩草木鳥鳥 一名荻蕭爾雅 一名荻

俗名革華賴埋紫拔州山城

牛尾蒿

蕭、荻

爾雅○荻音狄

卽蒿

晉郭璞註

李巡云、荻一名蕭。陸璣云、今人所謂荻蒿者是也。或云牛尾蒿似白蒿。白葉莖麤科生多者數十莖可作燭。有香氣故祭祀以脂薰之爲香。許慎以爲艾蒿非也。郊特牲云、旣奠然後薰蕭合馨香是也。宋邢昺爾雅疏

蕭蒿音秋。卽青蒿也。或云牛尾蒿。今藥家謂之青葙。

子宋鄭夾漈

爾雅註

謹按爾雅作荻惟鄭氏註本作萩音秋豈有所據

而然乎牛尾蒿與青葙自是二物非一種也

蕭荻今人所謂荻蒿者是也或云牛尾蒿似白蒿白葉莖麤科斜非生多者數十莖可作燭有香氣故祭

祀以脂熬之爲香許慎以爲艾蒿非也郊特牲云既奠然後熬蕭合馨香是也

唐陸璣毛詩草木鳥獸蟲魚疏

蕭今人所謂荻蒿者是也或曰牛尾蒿似白蒿白葉莖麤科生多者數十可作燭有香氣故祭祀以脂熬之爲香

宋羅願爾雅翼

蕭可以祭故其字从肅亦秋風之過蕭意象肅然故蕭一名荻其字从肅也爾雅曰蕭荻蕭似白蒿莖麤科生有香氣故祭祀以脂熬之

宋陸佃

蕭今俗謂之牛尾蒿

同上

毛氏曰蕭蒿也釋草云蕭荻李巡云荻一名蕭郭璞曰卽蒿也如上所言則蕭卽蒿也釋草又云蒿藎蔚牡藎郭璞云藎今青蒿牡藎無子者如上所言則蒿非蕭也山陰陸氏云蒿之類至多陸璣云蕭今人所謂萩蒿或謂之牛尾蒿似白蒿莖麤科生有香氣故

祭祀以脂薰之爲香，以此言之，蒿者總名也。曰蕭者，蒿之香者也。故取蕭祭脂流以爲香蒿也。凡諸蒿曰繁者，白蒿也；蟠蒿也。曰苹者，蘋蒿也。曰藪者，青蒿也。曰蔚者，牡蒿也；馬薪蒿也。曰義者，蘿蒿也；義蒿也。蘆蒿也。角蒿也。又有邪蒿、蘿蒿也。名蒿之類不一。宋嚴察詩

牛尾蒿，古采相傳。曰漢祖爲兒時，牧牛中野，與羣童戲殺牛以烹之，埋其尾，僞報其家云牛忽陷地。家人共引之，其皮骨愈淡，入於地後，其處生蒿，作尾形也。

宋高宗事  
物紀原

蒿，祭祀以脂薰之爲香。

河間府志

爾雅蕭荻，郭註卽蒿。說文：荻蕭也。陸氏曰：今人謂之萩。或曰牛尾蒿，似白蒿，莖粗，科生一作殊。義同。左傳：伐雍門之荻。今讀溷荻，舉要秋部：荻訓蕭荻，不詳。荻與蕭荻非<sub>中</sub>同類也。清廖文英正字通

謹按據此爾雅蕭荻之荻當作萩。

齊頭蒿

俗名革賴搖貌己近江

州

齊頭蒿

齊頭蒿三四月生苗，其葉扁而本狹，末麥有毛岐嫩時可茹，鹿食尤草此其一也。秋開細黃花，結實大如車前實而內子微細不可見，故人以爲無子也。

明李璧

本草綱目

蓬蒿

一名隨風草名物法言

蓬蒿

蓬草名其華如柳絮聚而飛如亂髮也

朱文公詩經集傳

古人多用轉蓬竟不知何物外祖林公使遼見蓬花枝葉相屬團欒在地遇風卽轉問之云轉蓬也

宋陳唯室步里

客談

蓬蒿曰隨風草

明胡文煥名物法言

蓬土人于二月二日取以煎糕見風俗節物所尚條

萬曆杭州府志

蓬草名詩召南騶虞云彼苗者蓬是也

河間府志

本草綱目

卷一百一

草屬

蓬蒿

二

蓬蒿說文云草之不理者也

儋州志

蓬詩彼茁者蓬商子曰飛蓬遇飄風而行千里乘風之勢也說苑曰秋蓬惡於根本而美於枝葉

海澄縣志

